



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 46. Duo Cardinales a Paulo V. creati.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

pote pacis studiosissimi mors non modo Sæc. XVII.
A.C. 1618.
Catholicis sed & Protestantibus admodum luctuosa exstitit: quæ etiam Annam Cæsareæ Majestatis Conjugem tam intimi doloris sensu oppressit, ut & ipsa die decima quarta Decembris itidem Viennæ decederet. Venetiis quoque Nicolaus Donatus, postquam vix uno mense Rempublicam administraverat, octogenario major decessit. Hujus autem obitum præcesserat Philippus Guilielmus Arausionensis Princeps, qui Sacris ritu Catholico munitus Bruxellis die vigesima Februarii mortalitatem exuit, annos natus sexaginta quatuor. Hic Religionem Orthodoxam, quam in præfato Principatu restituerat, Mauritio Fratri suo ac hæredi tabulis testamenti plurimum commendabat. Mense autem Decembri Theodoricus de Fürstenberg Padebornensis in Westphalia Episcopus, postquam hæreticos ex sua Ecclesia penitus eliminaverat, meritis plenus decessit, subrogato eidem Ferdinando Coloniensi Archiepiscopo & Bavarix Duce.

§. XLVI.

Duo Cardinales a Paulo V. creati.

Hoc item anno Paulus V. Pontifex *Ciacon. in*
Maximus die vigesima sexta Martii *vita Paul. V.*

M 3

duos

Sæc. XVII. duos Presbyteris Cardinalibus in monte Quirinali adscriptis, quorum primus erat Henricus Gondius Episcopus Parisiensis, qui vulgo Cardinalis de Rets seu Radefianus dictus a Ludovico XIII. Galliarum Rege proponebatur, nullum tamen Ecclesiæ titulum obtinebat, eo quod nunquam Romanam urbem accessisset. Cum autem eo tempore jam invaluisset mos, ut Pontificiæ gratiæ Gallo & Hispano Regibus æqualitate distribuerentur, adeo, ut Gallo ad Purpuram evecto, pariter natione Hispanus ad Regis preces eandem consequeretur dignitatem, hinc etiam eadem die Franciscus Roias de Sandoval, Lermæ Dux, proponente Philippo III. Hispaniarum Rege Purpuratorum Collegio adscriptus est. Hic olim rerum Hispaniarum arbiter sensim æmulum invidia Regis gratia excidit, illorumque vexationes declinaturus Purpuram sponte a Papa oblatam, uti censet Vassorius, acceptavit, seu verius petitam obtinuit, moxque Filio suo Uzedæ Ducis cuncta Aulæ officia, quibus anteaungebatur, cessit, ac demum die decima Maij rubrum galerum sibi a Cajetano, qui summo Pontifici a cubiculis erat, delatum septuagenario major accepit.

Gramond.

l. 2. Hist.

Gall. Vassor.

tom. 3. l. 12.

pag. 162.

Khevenh. t. 9.

pag. 263.